

MEMONI JEE MAHFIL

By : M. Aslam Saamla

SOGAAT-E-DERVESH

IKHLAQI FARZ

Koi jay deenal tohfay jo shukriya ada karnu, har koi se khili ne milnu, adab ne ikhlaaq se pesh achnu, koi jay dukh dard meiN shareeq theenu, koi jay saath hamdardi karnu, bimaar ke puchnu, koi kay sahee mashwaro deenu, saaray kum jee saari tareef karnu, bachan ne vaddan se piyaar ne mohobbat karnu, moqay be moqay wadda tohfa deena. Koi jay kam achnu, koi jay kum meiN hath bataenu, khush rehnu ne biyan ke khush rakhnu. Koi yateem jay mathay tay hath rakhnu, koi kay time deenu, galat fehmi ke door karnu, koi jay larai jhagray may na poonu ne agar kida jhagro hoe ta hun ke khatam karaenu ne larai ke roknu. Saari soch rakhnu, shaadi je dawat jo shukriya ada karnu, mubarakbad deenu ne dua bhi deenu. Hee badhay nandhyooN nandhyooN ghaalyu ikhlaqi farz meiN shumaar theen thiyooN. Magar minjhay nazdeek hee badhay vaddi ghaalyooN ne naikyooN aen.

Dervesh: Hee badhay aae magar farz jay saath!

MOTIYAN JEE MALA

- Koi maroo jay dil meiN imaan ne hasad saath natho rai sighay.
- Dil mathay museebatoon akhyan jee wajha se theentiyooN.
- Gunha kay roknu takleef se asaan aae.
- Gunha koi na koi soorat meiN dil ke be-chain kareto.
- Jo maroo jitro wadharey boletu hoo ehtroj kam aqal aae.
- Buzrugan jee mehfil meiN jida bhi jagha milay vai riyo.
- Rastay se kaanto hataenu bhi sadqo aae.
- Har maroo ke galat samjhanwaro khud galat aae.
- Mot barhaq aae lekin zindagi jo bhi haq samjho.
- Vadda maroo saari ghaal meiN bhi kharabi goti ginanta jin tarha makhhi badhay khoobsoorat jism ke chadi ne zakham te vai riyeti.

- Pag fisli viney ta koi ghaal na lekin zaban ken a fisalnu khapay.
- Asal kamal ilm ne amal boe ka jamar karnu aae.
- Dil ke jeero rakhan laae saari kitaab parhnu zaroori aae.
- Hee na naro ke ghaal kair chue aae, hee naro ghaal kehri aae.

Memoni Lateefa

- Akro bacho darwazo kholi ta akray jaran warey ke naari ne chuee k aaeN roz roz baaji se milal laae achota kuro aaeNjay ghar meiN baji naae?
- Baeri potay jay maroo ke puchee ke jadhay aaoN potay ji Maa jay gharay vina tee ta aaeN kuro karota? Maroo chuee karnu kuro aae Allah jo shukar ada karaN toe.
- Akro moti baeri palang te suttu vee ke achanak zalzalo aavo ta hoo palang se chari pi. Hunjo maroo jaldi jaldi bhagi ne aavyo ne chue ke too zalzalay jee wajha se chariye ya tojay charanji wajha se zalzalo aavyo?

• MEMON YO, MEMONI BOLO

• MEMONI ZABAN MEIN MITTHAAS AAE KURE LAEE KE HEE PAANJI ZABAAN AAE.

• PAANJI MEMONI ZABAN SE MOHOBBAT KARO.

• KURE LAEE KE PAANJI ZABAN PAANJI PEHCHAAN AAE.

For comprehensive information
on

*Origin, history, culture, language and
welfare activities of Memon Community*

Visit

www.memon-world.net

send your comments to

arthaplawala@yahoo.com